

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u skladu sa članom 13. stav 1. alineja 1. tačka d) Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona, broj: 4/97, 15/97, 6/01, 8/10 i 15/17), na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, na 148. sjednici, održanoj dana 31.03.2022. godine, d o n o s i

ZAKLJUČAK

I.

Daje se saglasnost na Program rada Agencije za privatizaciju Zeničko-dobojskog kantona za 2022. godinu.

II.

Program iz tačke I. sastavni je dio ovog zaključka.

III.

Zaključak stupa na snagu danom donošenja.

Broj: 02-_____/22
Datum, 31.03.2022. godine
Zenica

PREMIJER

Mirnes Bašić

DOSTAVLJENO:

1x Agencija za privatizaciju Zeničko-dobojskog kantona-
Upravni odbor,
1x Agencija za privatizaciju Zeničko-dobojskog kantona – direktor,
1x Ministarstvo za privredu,
1x a/a.

Bosna i Hercegovina
Federacija Bosne i Hercegovine
ZENIČKO-DOBOJSKI KANTON

AGENCIJA ZA PRIVATIZACIJU
ZENIČKO-DOBOJSKI KANTON



Bosnia and Herzegovina
Federation of Bosnia and Herzegovina
ZENICA-DOBOJ CANTON

AGENCY FOR PRIVATIZATION
OF ZENICA-DOBOJ CANTON

P R O G R A M R A D A

Agencije za privatizaciju Zeničko-dobojskog kantona
za 2022. godinu

Zenica, februar 2022. godine

S A D R Ź A J

I - UVOD	3
II - CILJEVI.....	4
2.1. AKTIVNOSTI KOJE SE PLANIRAJU PODUZETI ZA OSTVARENJE UTVRĐENIH CILJEVA	5
2.1.1.PLANIRANE AKTIVNOSTI.....	5
2.2. OČEKIVANI REZULTATI.....	6
III – NORMATIVNE AKTIVNOSTI.....	7
IV – STUDIJSKO-ANALITIČKI DIO.....	7
V- OSTALI POSLOVI I ZADACI	8
PRILOG: NEPRIVATIZIRANA PREDUZEĆA SA DRŽAVNIM KAPITALOM	10

I - UVOD

Agencija za privatizaciju Zeničko-dobojskog kantona (u daljem tekstu: **Agencija**) osnovana je Zakonom o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17). Shodno odredbama člana 2. navedenog Zakona, Agencija ima status pravnog lica i predstavlja specijaliziranu organizaciju Zeničko-dobojskog kantona.

Djelatnost Agencije je obavljanje stručnih i drugih poslova u vezi s privatizacijom. Temeljem odredaba člana 6. navedenog Zakona, Agencija vrši odobravanje, sprovođenje, organizovanje, nadziranje i podsticanje privatizacije preduzeća sa prostora Zeničko-dobojskog kantona u njenoj nadležnosti.

U vezi sa privatizacijom preduzeća, odredbama stava 2. istog člana, taksativno su nabrojana ovlaštenja Agencije, među kojima, su odobravanje programa privatizacije i početnog bilansa stanja, odlučivanje o načinu i sprovođenju postupka privatizacije, utvrđivanje povoljnijih uslova prodaje i plaćanja za preduzeća koja se ne privatiziraju saglasno načinu i uslovima određenim kod odobravanja programa privatizacije.

Program rada Agencije donosi Upravni odbor Agencije za privatizaciju Zeničko-dobojskog kantona u skladu sa odredbama člana 13. stav 1. alineja 1. tačka d) Zakona o Agenciji za privatizaciju Zeničko-dobojskog kantona, na koji, u skladu, sa odredbama stava 2. istog člana Zakona, saglasnost daje Vlada Zeničko-dobojskog kantona.

II - CILJEVI

Uz činjenicu, da se generalna politika u vezi privatizacije donosi na nivou Federacije Bosne i Hercegovine, kao i prema uspostavljenom zakonskom i podzakonskom okviru na nivou Federacije Bosne i Hercegovine, kantonalne agencije nemaju značajnog udjela u njenom utvrđivanju, Agencija je provodi u skladu sa postojećim zakonskim i podzakonskim rješenjima. Potrebno je, uz prethodno, naglasiti značajan zastoj u provedbi privatizacijskih procesa, na prostoru cijele Federacije Bosne i Hercegovine, a koji se odnosi na privatizacijski ambijent u smislu nepostojanja kvalitetnih uslova za investiranje i pokretanje biznisa, nekonkurentne ponude, nepostojanja odgovarajućih socijalnih programa, nepostojanje strategije za preduzeća iz sektora infrastrukture-komunalnih javnih preduzeća, neusaglašenost pravnog okvira, prevaziđenost postojećeg Zakona o privatizaciji preduzeća i drugih zakonskih i pod zakonskih propisa koji se odnose na privatizacijske i postprivatizacijske aktivnosti.

U privatizacijskoj praksi, sa druge strane, uloga kantonalnih agencija, pa time i Agencija za privatizaciju Zeničko-dobojskog kantona, znatno je ograničena u smislu nemogućnosti direktnog uticaja na intenzitet privatizacijskog procesa. S tim u vezi, Agencija je, u zavisnosti od ekonomske i socijalne situacije u društvu i stepena ostvarene privatizacijske aktivnosti u prethodnom periodu, te na osnovu ostvarene komunikacije sa preostalim subjektima privatizacije, definisala programske ciljeve koje planira izvršiti u toku 2022. godine. Programski ciljevi za 2022. godinu predstavljaju nastavak aktivnosti iz ranijeg perioda, to jest, nastavak aktivnosti iz 2021. godine.

Na dan 31.12.2021. godine, Agencija u Registru preduzeća ima 34 privredna subjekta koji se vode kao neprivatizirana preduzeća na prostoru Zeničko-dobojskog kantona (**Prilog 1.**), od kojih je:

- 5 veterinarskih stanica, (*Prilog 1* - Tabela broj 1)
- 22 javna komunalna preduzeća, (22 JKP, i dvije medijske kuće: RTV Zenica i RTV Visoko),
- 4 „Ostala preduzeća“
(*Prilog 1* - Tabela 2)

Na osnovu sagledavanja aktuelne situacije u vezi sa privatizacijom, programski ciljevi Agencije su:

- Nastavak privatizacije imovine preduzeća, čiji je rok za pripremu i prijavu predmeta u maloj privatizaciji utvrđen do daljnjeg, a što je regulisano Odlukom o izmjenama Odluke o neposrednoj pripremi i provedbi male privatizacije („Službene novine Federacije Bosne i Hercegovine“, broj: 88/21), kojom su stvorene pretpostavke za vršenje prodaje imovine preduzeća u slučajevima gdje su se stekli uslovi,
- Privatizacija ostalih preduzeća koja su ostala na listi preduzeća sa državnim kapitalom, imajući u vidu realne mogućnosti, odnosno pretpostavke,
- Iznalaženje dodatnih modaliteta animiranja faktora zakonodavne vlasti, na donošenju potrebnih zakonskih i podzakonskih rješenja, kako bi otpočela privatizacija komunalnih preduzeća i veterinarskih stanica. Ispunjavanjem potrebnih uslova za privatizaciju pomenutih preduzeća, otvorio bi se prostor za dodatni angažman organizacionih i kadrovskih resursa Agencije za privatizaciju Zeničko-dobojskog kantona, za period, od najmanje, 5 (pet) godina. Ovaj period obuhvatao bi kompletan privatizacijski proces, počev od analize, korekcije i usvajanja Početnog bilansa stanja i Programa privatizacije, objavljivanja javnog poziva, izbora najpovoljnije ponude/ponuđača, usaglašavanja teksta ugovora i njegovog potpisivanja, kontrolu izvršenja obaveza iz kupoprodajnog ugovora (do sada je to bio period od 3 (tri) godine praćenja), pokretanje tužbe u slučaju grubog kršenja obaveza iz kupoprodajnog ugovora, odnosno izdavanje uvjerenja u slučaju izvršenja ugovornih obaveza, Ne treba posebno naglašavati da bi

se privatizacijom javnih komunalnih preduzeća i veterinarskih stanica ostvario i finansijski efekat, kako za prihode Agencije, tako i za sam Kanton,

- U koordinaciji sa ostalim kantonalnim agencijama i Agencijom za privatizaciju u Federaciji BiH, informisati Vladu Federacije o potrebi donošenja Odluke metodu, načinu, rokovima i nadležnoj agenciji za privatizaciju javnih komunalnih preduzeća i veterinarskih stanica, što je u njihovoj nadležnosti
- Učešće u pripremi privatizacije javnih komunalnih preduzeća i veterinarskih stanica,
- Nastavak vođenja sudskih postupaka proisteklih iz poslova privatizacije,
- Obezbjedenje dokumentacije za privatizovana preduzeća, koja će biti predmetom kontrole Agencije za reviziju privatizacije u Federaciji Bosne i Hercegovine, kao i drugih institucija i organa,
- Objektivno, blagovremeno i potpuno informisanje javnosti o svim aktivnostima Agencije,
- Postupanje u skladu sa Zakonom o slobodi pristupa informacijama („Službene novine Federacije BiH“, broj: 32/01, 48/11),
- Nastavak arhiviranja dokumentacije po privatizacijskim predmetima, u smislu objedinjavanja privatizacijskih predmeta, po jedinstvenoj metodologiji, u Arhiv Agencije.

2.1. Aktivnosti koje se planiraju poduzeti za ostvarenje utvrđenih ciljeva

2.1.1. Planirane aktivnosti

- Saradnja sa resornim ministarstvima i nadležnim općinskim strukturama iz njihove nadležnosti, po pitanju stručnih i drugih poslova u vezi sa privatizacijom,
(*nosilac aktivnosti* – Agencija; *rok*: stalni zadatak)
- Ostvarivanje neposrednih kontakata sa nadležnim organima preduzeća, kao i nadležnim općinskim tijelima za imovinsko-pravne poslove, u pogledu pokretanja postupka za upis nekretnina i prava nad nekretninama u vlasništvu preduzeća, u skladu sa odredbama člana 6. stav 2. Uredbe o upisu u javne knjige nekretnina i prava na nekretninama u postupku privatizacije („Službene novine Federacije Bosne i Hercegovine“, broj: 45/99 i 48/00),
(*nosilac aktivnosti* – Agencija; *rok*: stalni zadatak)
- Pripreme za donošenje Rješenja o odobravanju Početnog bilansa stanja i Programa privatizacije za tzv. „veliku privatizaciju“, odnosno Prospekta, za tzv. „malu privatizaciju“,
(*nosilac aktivnosti* – Agencija; *rok*: stalni zadatak)
- Ažuriranje ranije donesenih Rješenja o odobravanju Početnog bilansa stanja i Programa privatizacije, obnovljenim podacima,
(*nosilac aktivnosti* – Agencija; *rok*: stalni zadatak)
- Priprema objave javnih poziva za prodaju državnog kapitala, odnosno imovinu preduzeća,
(*nosilac aktivnosti* – Agencija; *rok*: stalni zadatak)
- Nastavak aktivnosti na sudskim postupcima proisteklih iz poslova privatizacije,
(*nosilac aktivnosti* – Agencija; *rok*: stalni zadatak)
- Koordiniranje aktivnosti sa Agencijom za privatizaciju u Federaciji Bosne i Hercegovine u okviru poslova vezanih za pasivni podbilans,
(*nosilac aktivnosti* – Agencija; *rok*: stalni zadatak)
(*nosilac aktivnosti* – Agencija za privatizaciju; *rok*: stalni zadatak)
- Kompletiranje i elektronsko arhiviranje dokumentacione građe Agencije,
(*nosilac aktivnosti* – Agencija; *rok*: stalni zadatak)
- Saradnja sa elektronskim i printanim medijima, te primjena Zakona o slobodi pristupa informacijama u Federaciji Bosne i Hercegovine,
(*nosilac aktivnosti* – Agencija; *rok*: stalni zadatak)

2.1.2. Ostale aktivnosti

1. Donošenje upravnih akata u vezi sa privatizacijom (rješenja o izboru najpovoljnije ponude, rješenja o odobravanju upisa izvršene privatizacije),
2. Pokretanje postupka upisa nekretnina i prava na nekretninama kojim raspolažu preduzeća u skladu sa odredbama Uredbe o upisu u javne knjige nekretnina i prava na nekretninama u postupku privatizacije („Službene novine Federacije Bosne i Hercegovine“, broj 45/99 i 48/00,
3. Vođenje evidencije i arhiviranje ugovora o kupoprodaji stanova nad kojima postoji stanarsko pravo, na osnovu Zakona o prodaji stanova na kojima postoji stanarsko pravo („Službene novine Federacije Bosne i Hercegovine“, broj: 27/97 – 72/08) i Zakona o vraćanju, dodjeli i prodaji stanova („Službene novine Federacije Bosne i Hercegovine“, broj: 28/05 i 20/08),
4. Izvještavanje nadležnih organa u skladu sa članom 19. Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine („Službene novine Federacije Bosne i Hercegovine“, broj: 52/09 i 5/11),
5. Polugodišnje i godišnje izvještavanje Agencije za privatizaciju u Federaciji Bosne i Hercegovine,
6. Izvještavanje organa Agencije (Upravni i Nadzorni odbor) o problematici, čije rješavanje je u nadležnosti ovih organa,
7. Izdavanje uvjerenja o izvršenju obaveza iz kupoprodajnih ugovora,
8. Izdavanje rješenja na osnovu Zakona o slobodi pristupa informacijama u Federaciji Bosne i Hercegovine.

2.2. Očekivani rezultati

Agencija će u 2022. godini, u zavisnosti od prijave preduzeća, pristupiti objavi javnih poziva za prodaju kapitala ili imovine preduzeća, u skladu sa odredbama Pravilnika o postupku prodaje imovine i dionica ili udjela preduzeća („Službene novine Federacije Bosne i Hercegovine“, broj: 28/05, 53/07 i 76/09), Pravilnika o postupku prodaje javnim prikupljanjem ponuda (tender) u velikoj privatizaciji („Službene novine Federacije Bosne i Hercegovine“, broj: 77/04), Pravilnika o postupku prodaje metodom neposredne pogodbe („Službene novine Federacije Bosne i Hercegovine“, broj: 75/05) ili Pravilnika o postupku prodaje državnog kapitala na berzi („Službene novine Federacije Bosne i Hercegovine“, broj: 58/06 – 78/08) i to:

- 1) Privatizacija javnih komunalnih preduzeća i veterinarskih stanica u slučajevima kada se za to steknu uslovi, odnosno po donošenju Odluke metodu, načinu, rokovima i nadležnoj agenciji za njihovu privatizaciju od strane Vlade Federacije Bosne i Hercegovine,
- 2) Objava javnih poziva za prodaju imovine preduzeća, TP „Nova trgovina“ d.d. Žepče, i „Natron“ dd Maglaj, nakon dostavljenih prijava sa pratećom dokumentacijom za prodaju metodom male privatizacije,
- 3) Objava javnih poziva za prodaju dionica preduzeća; „RMK“ Promet d.d. Zenica, „ŽGP ZENICA“ dd, ukoliko se steknu uvjeti za iste, odnosno po dostavljanju programa privatizacije i početnih bilansa sa propisanom dokumentacijom,

Poseban domen rada Agencije u 2022. godini, obuhvatit će nastavak aktivnosti na sudskim postupcima, proisteklim iz poslova privatizacije.

Osim navedenog, Agencija će, u 2022. godini, aktivnosti usmjeriti i na:

- na kontrolu izvršenja ugovorenih obaveza od strane kupaca, u skladu sa odredbama Pravilnika o obavljanju kontrole izvršenja obaveza iz kupoprodajnih ugovora u postupku privatizacije u Federaciji Bosne i Hercegovine,
- kompletiranje dokumentacione građe nastale iz osnovne djelatnosti Agencije u Centralni arhiv Agencije, kako bi ista omogućila efikasno provođenje revizije privatizacije državnog kapitala u privrednim društvima iz nadležnosti ove Agencije,
- blagovremeno informisanje svih ciljnih segmenata javnosti putem medija, kao i dosljedna primjena Zakona o slobodi pristupa informacijama u Federaciji Bosne i Hercegovine.

III – NORMATIVNE AKTIVNOSTI

3.1. Finansijski plan Agencije za privatizaciju Zeničko-dobojskog kantona za 2022. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 1. tačka d) Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj: 4/97, 15/97, 6/01, 8/10 i 15/17)

Razlozi za donošenje: radi ostvarivanja djelatnosti Agencije za privatizaciju Zeničko-dobojskog kantona iz članova 4.-6. Zakona o Agenciji za privatizaciju Zeničko-dobojskog kantona.

Postupak donošenja: na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona daje saglasnost na Finansijski plan Agencije za privatizaciju Zeničko-dobojskog kantona,

Rok: mart 2022. godine

IV – STUDIJSKO-ANALITIČKI DIO

4.1. Program rada Agencije za privatizaciju Zeničko-dobojskog kantona za 2022. godinu

Nosilac izrade: Agencija za privatizaciju Zeničko-dobojskog kantona

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 1. tačka d) Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj: 4/97, 15/97, 6/01, 8/10 i 15/17)

Razlozi za donošenje: izvršenje zakonske obaveze

Postupak donošenja: na prijedlog Upravnog odbora Agencije za privatizaciju Zeničko-dobojskog kantona, Vlada Zeničko-dobojskog kantona, daje saglasnost na Program rada Agencije za privatizaciju Zeničko-dobojskog kantona

Rok: mart 2022. godine

4.2. Izvještaj o radu i poslovanju, toku i rezultatima procesa privatizacije Agencije za privatizaciju Zeničko-dobojskog kantona za 2021. godinu.

Nosilac izrade: Agencija za privatizaciju Zeničko-dobojskog kantona,

Predlagač: Upravni odbor Agencije za privatizaciju Zeničko-dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj: 4/97, 15/97, 6/01, 8/10 i 15/17)

Razlozi za donošenje: izvršenje zakonske obaveze

Postupak donošenja: na prijedlog Upravnog odbora Agencije, Vlada Zeničko-dobojskog kantona razmatra Izvještaj

Rok: mart 2022. godine

4.3. Izvještaj o radu Nadzornog odbora Agencije za privatizaciju Zeničko-dobojskog kantona za 2021. godinu

Nosilac izrade: Nadzorni odbor Agencije za privatizaciju Zeničko-dobojskog kantona

Predlagač: Vlada Zeničko-dobojskog kantona

Pravni osnov: sadržan u članu 14. stav 4. Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj: 4/97, 15/97, 6/01, 8/10 i 15/17)

Razlozi za donošenje: izvršenje zakonske obaveze

Postupak donošenja: na prijedlog Nadzornog odbora Agencije za privatizaciju Zeničko-dobojskog kantona, Vlada razmatra Izvještaj i upućuje ga u skupštinsku proceduru.

Rok: mart 2022. godine

4.4. Izvještaj o radu Upravnog odbora Agencije za privatizaciju Zeničko- dobojskog kantona za 2021. godinu

Nosilac izrade: Upravni odbor Agencije za privatizaciju Zeničko-dobojskog kantona

Predlagač: Vlada Zeničko-dobojskog kantona

Pravni osnov: sadržan u članu 18. Statuta Agencije za privatizaciju Zeničko- dobojskog kantona („Službene novine Zeničko-dobojskog kantona”, broj: 9/99)

Razlozi za donošenje: izvršenje obaveze sadržane u Statutu Agencije za privatizaciju Zeničko-dobojskog kantona

Postupak donošenja: na prijedlog Upravnog odbora Agencije za privatizaciju Zeničko-dobojskog kantona, Vlada razmatra Izvještaj.

Rok: mart 2022. godine

V- OSTALI POSLOVI I ZADACI

5.1. Izvještaj o ostvarenim prihodima i izdacima Agencije za privatizaciju Zeničko- dobojskog kantona za period januar-mart 2022. godine

Nosilac izrade: Agencija za privatizaciju Zeničko- dobojskog kantona

Predlagač: Agencija za privatizaciju Zeničko- dobojskog kantona

Pravni osnov: sadržan u članu 5. alineja 4. Zakona o Agenciji za privatizaciju Zeničko- dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17)

Postupak donošenja: na prijedlog Agencije za privatizaciju Zeničko- dobojskog kantona, Upravni odbor Agencije razmatra Izvještaj.

Rok: april 2022. godine

5.2. Izvještaj o izvršenju Finansijskog plana Agencije za privatizaciju Zeničko- dobojskog kantona za period januar-juni 2022. godine i obrasci za izradu periodičnog izvještaja

Nosilac izrade: Agencija za privatizaciju Zeničko- dobojskog kantona

Predlagač: Agencija za privatizaciju Zeničko- dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju Zeničko- dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17) i članu 44. stav 6. Zakona o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj: 83/09)

Postupak donošenja: na prijedlog Agencije za privatizaciju Zeničko- dobojskog kantona, Upravni odbor razmatra Izvještaj.

Rok: 31.07. 2022. Godine

5.3. Izvještaj o izvršenju Finansijskog plana Agencije za privatizaciju Zeničko- dobojskog kantona za period januar-septembar 2022. godine

Nosilac izrade: Agencija za privatizaciju Zeničko- dobojskog kantona

Predlagač: Agencija za privatizaciju Zeničko- dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju Zeničko- dobojskog kantona („Službene novine Zeničko-dobojskog kantona“, br. 4/97, 15/97, 6/01, 8/10 i 15/17),

Postupak donošenja: na prijedlog Agencije za privatizaciju Zeničko- dobojskog kantona, Upravni odbor razmatra Izvještaj

Rok: 30.10.2022. godine

5.4. Izvještaj o izvršenju Finansijskog plana za period januar-decembar 2022. godine i obrasci godišnjeg obračuna

Nosilac izrade: Agencija za privatizaciju Zeničko- dobojskog kantona

Predlagač: Agencija za privatizaciju Zeničko- dobojskog kantona

Pravni osnov: sadržan u članu 13. stav 1. alineja 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, broj: 4/97, 15/97, 6/01, 8/10 i 15/17) i članu 44. stav 6. Zakona o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj: 83/09)

Postupak donošenja: na prijedlog Agencije za privatizaciju Zeničko- dobojskog kantona, Upravni odbor razmatra Izvještaj.

Rok: 28.02.2023. godine

VI – PROCJENA FINANSIJSKIH SREDSTAVA

Za realizaciju Programa rada Agencije za privatizaciju Zeničko-dobojskog kantona za 2022. godinu, sa troškovima poslovanja, potrebna su finansijska sredstva u ukupnom iznosu od 309.450 KM, koja sredstva su planirana u skladu sa Finansijskim planom Agencije za 2022.godinu.

DIREKTOR

Ahmet Begagić, dipl.ecc.

NEPRIVATIZIRANA PREDUZEĆA

Tabela broj 1. Neprivatizirane veterinarske stanice (čl. 3. Zakona o privatizaciji preduzeća)

R.br.	Veterinarska stanica	Plan privatizacije u 2022. godini
1.	JP „Veterinarska stanica“ Olovo	ako se steknu uslovi
2.	JP „Veterinarska stanica“ Maglaj	ako se steknu uslovi
3.	JP „Veterinarska stanica“ Vareš	ako se steknu uslovi
4.	JP „Veterinarska stanica“ Visoko	ako se steknu uslovi
5.	JP „Veterinarska stanica“ Breza	ako se steknu uslovi

Tabela broj 2. Neprivatizirana preduzeća sa državnim kapitalom

RB	Naziv i općina	Privatizacijski status
1.	„ŽGP-Zenica“ Zenica dd	Preostalo 29,1514 % državnog kapitala
2.	„RMK-Promet“ d.d. Zenica	40% kapitala u privatnom vlasništvu, 60% u državnom vlasništvu.
3.	TP „Nova trgovina“ d.d. Žepče	Doneseno je Rješenje o odobravanju PBS, nije utvrđen metod prodaje, čime je omogućeno usklađivanje društva sa Zakonom o privrednim društvima. Agencija je uputila zahtjev za dostavu PBS i PP. Državni kapital 99%.
4.	„NATRON“ d.d. Maglaj	67% državnog kapitala, 33% mali dioničari. Problem neriješenih imovinsko-pravnih odnosa na nekretninama u Beogradu, Bratuncu, Čitluk, Derventi i Doboj.